



Nepal

5. oktobar 2020. - 19. oktobar 2020.
15 dana - 12 noći



Jungle Tribe Vas vodi u zemlju Himalaja - penjemo se na vrh svijeta. Idemo na putovanje u Nepal, kuću bogova, da se oslobodimo svega materijalnog i doživimo katarzu.

Zahvaljujući fenomenalnim prirodnim predjelima, snježnim vrhovima koji nas okružuju, pitomim i nasmijanim ljudima doživjet ćemo potpuni mir. Obilazimo Kathmandu - historijsko i kulturno srce Nepala, zatim Patan (Lalitpur) koji je jedan od tri kraljevska grada u Kathmandu dolini, a čeka nas i neponovljiva avantura – fakultativni izlet rafting na rijeci Trisuli. Obići ćemo i Pokharu, Dhulikhel - prelijepog mjesta na nadmorskoj visini od oko 1500 metara) i još mnogo autentičnih nepalskih atrakcija.

Upoznajemo budizam i kulturu ovog blagog naroda koji živi u skladu sa prirodom. Šareni budistički hramovi čuvaju priče drevnih civilizacija, a putovanje u Nepal ostaje u mislima za cijeli život.

Zemlja i ljudi koji će vas natjerati da promijenite pogled na svijet su tu –krenite sa Nasmijanim plemenom u nezaboravnu avanturu!





Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i let za Kathmandu sa presjedanjem

Sastanak na aerodromu "Nikola Tesla" u Beogradu dva sata prije leta. Let za Kathmandu sa presjedanjem (Beograd 14:00 – Dubai 21:20, FlyDubai). Presjedanje na let za Kathmandu.

Prevoz

Let Beograd - Kathmandu sa presjedanjem

Mesto

Beograd, Dubai, Kathmandu

Dan 2: Dolazak u Kathmandu

Dolazak na aerodrom u Kathmanduu. Grad Kathmandu je historijski i kulturno srce Nepala te predstavlja nevjerovatan spoj hinduizma, tibetanskog budizma i utjecaja sa zapada. Grad ima historiju skoro više od 2000 godina staru koja se može gotovo opipati na svakom koraku. Najveći je i najnaseljeniji grad Nepala te leži na 1.400m nadmorske visine. Upoznavanje sa gradom i smještaj.

Prevoz

Transfer od aerodroma do smještaja

Smeštaj

Hotel (1 noć)

Mesto

Kathmandu

Dan 3: Fakultativni obilazak Kathmandua

Fakultativni izlet - obilazak najzanimljivijih dijelova Kathmandua. Razgledanje počinjemo obilaskom trga Durbar koji predstavlja samo srce starog grada u religioznom i duhovnom smislu. Čitav kompleks trga pod strogom je zaštitom UNESCO-a. Usput još obilazimo hram žive boginje Kumari Bahal, Staru kraljevsku palaču, Vrtove snova i hram Kasthamandap, koji je najstariji u dolini. Zatim, fakultativni obilazak hrama Pashupatinath, jednog od najvažnijih hinduističkih hramova iz 5. stoljeća posvećenih bogu Shivi na indijskom potkontinentu. Sastoji se od niza hramova, ašrama, slika i natpisa koje su tokom stoljeća podignuti uz obalu svete rijeke Bagmati koja je sveta kao Ganges u Indiji. U okviru ovog kompleksa nalaze se i molovi Kathmandua, gdje se obavljaju ceremonije sahranjivanja, ritualnog kupanja i molitvi. Obilazak završavamo kod Boudhanath Stuba (40m), najvećeg stuba u dolini Kathmandua i najznačajnijeg budističkog stuba na svijetu. Povratak u smještaj.

Smeštaj

Hotel (1 noć)

Mesto

Kathmandu

Fakultativni izleti

Kathmandu dolina

Dan 4: Fakultativni izlet u Patan

Poslije doručka fakultativni izlet - obilazimo Patan (Lalitpur), jedan od tri Kraljevska grada u dolini Kathmandua. Kako je centar budističke i hinduističke kulture zajedno, u njemu se nalazi preko 1200 spomenika. U Patanu imate osjećaj kao da je čitav grad muzej na otvorenom s obiljem palača, statuama bogova i boginja, pagoda sa erotskim prikazima u reljefu i mnogim drugim, oku ugodnim, znamenitostima... Idemo prvo do Krishna Mandira, kamenog hrama s nevjerovatnim frizom iz 16. stoljeća. Zatim razgledavamo hram Mahabuddha, Zlatni hram i mnoga druga sveta mjesta prepuna legendi i mitova. Takođe možemo fakultativno obići tvornicu tipičnih etnografskih rukotvorina po kojoj je Patan poznat. Kasnije obilazimo Swayambhunath stub, hram iz 5. stoljeća koji se nalazi na brdu iznad doline i pruža neponovljiv pogled na Kathmandu. Zovu ga još i hram Majmuna, a otkrit ćemo i zašto. Povratak u smještaj.

Smeštaj

Hotel (1 noć)

Mesto

Kathmandu

Fakultativni izleti

Kathmandu dolina



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

Dan 5: Fakultativni izlet u Baktapur

Fakultativni izlet do Changy Narayan hrama. Hram se nalazi na vrhu brda, iznad lokalnog sela te se od njega pruža izvanredan pogled na Kathmandu s jedne strane, a s druge na vrhove Himalaja. Poslije kraće vožnje do sela čeka nas novi dan uz šetnju do Changy Narayan hrama. Hram je jedan od starijih u Nepal, te se vjeruje da je podignut kao svetište hindu bogu Višni u 4. stoljeću. Slijedi fakultativni obilazak prelijepog grada Bhaktapura, nekadašnje nepalske prijestolnice i po mnogima najljepšeg grada ove regije. Grad je osnovan u 9. stoljeću i jedino je mjesto u Nepal, koje je ostalo netaknuto rukom zapadnog svijeta. Vidjet ćemo Lavlja vrata, Zlatnu kapiju, Galeriju umjetnosti, Niyatapola hram. Povratak u Kathmandu u večernjim satima.

Smeštaj

Hotel (1 noć)

Mesto

Kathmandu

Fakultativni izleti

Kathmandu dolina

Dan 6: Dnevna vožnja do Pokhare i fakultativni rafting

Ujutro se spremamo i krećemo za Pokharu, grad koji je od Kathmandua udaljen 200km. Mogućnost fakultativnog izleta i organiziranja raftinga na rijeci Trisuli u istoimenom nacionalnom parku. Dio grupe koji ne ide na rafting ima priliku za odmor pored rijeke i uživanje u prirodnim ljepotama. Nastavak puta i dolazak u grad na jezeru Phewa. Pokhara će vas oduševiti veličanstvenim prizorima, vrhovima Himalaja prekrivenih snijegom i svojom nestvarnom ljepotom. Ovo mjesto poznato je po jezerima Phewa, Begnas i Rupa. Udišemo svjež zrak, nektar bogova s Himalaja i uživamo. Odlazak u smještaj.

Prevoz

Vožnja od Kathmandua do Pokhare

Smeštaj

Hotel (1 noć)

Mesto

Pokhara

Fakultativni izleti

Rafting na rijeci Trisuli

Dan 7: Fakultativna šetnja do stupe

Sljedećeg jutra krećemo na cjelodnevni fakultativni izlet - prva stanica je hram na brdu iznad jezera gdje ćemo uz izlazak Sunca gledati romantične pejzaže obala jezera Phewa, oduševit će Vas veličanstveni pogled na vrh Annapurna "Fish Tail", koji se ogleda na površini mirne jezerske vode. Kratak predah za uživanje i slike za cijeli život! Kasnije se spuštamo do jezera i brodom se lagano vraćamo do centra grada. Slobodno vrijeme.

Smeštaj

Hotel (1 noć)

Mesto

Pokhara

Fakultativni izleti

Pokhara regija

Dan 8: Fakultativni trekking do Sarangkota

Fakultativni izlet - ranojutarnji trekking (lagana šetnja kroz sela) od Nudare do Sarangkota koji leži na 3 sata hoda (uz planinu) od Pokhare. Smješten je na nadmorskoj visini od 1592m i najviša je tačka doline Pokhare. Od tamo možete vidjeti cijelu dolinu rijeke, jezero i planinski lanac Annapurne. U Sarangkotu ćemo napraviti pauzu za odmor i uživanje u prizorima a po vašoj želji, možete doplatiti za paragliding i vratiti se u grad zračnom linijom. U blizini Sarangkota je prva stanica za ozbiljni trekking Annapurnom, a mi se lagano vraćamo u Pokharu. Imamo slobodno vrijeme za šetnju i upoznavanje sa lokalnim stanovništvom, učimo o njihovim običajima, načinu života, klopamo autentičnu hranu. Preporučujemo vam da posjetite tibetanski izbjeglički kamp i vodopade koji se nalaze u samom gradu.

Smeštaj

Hotel (1 noć)

Mesto

Pokhara

Fakultativni izleti

Pokhara regija



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 9: Fakultativni obilazak Pokhare

Krećemo na cjelodnevni fakultativni izlet gdje ćemo posjetiti Muzej Gurki, Tibetanski izbjeglički kamp, Dejvine vodopade, viseći most iznad rijeke Seti i Međunarodni muzej planinarenja.

Smeštaj

Hotel (1 noć)

Mesto

Pokhara

Fakultativni izleti

Pokhara regija

Dan 10: Dnevna vožnja do Dhulikhela

Krećemo nazad prema Kathmandu dolini i imamo celodnevnu vožnju do Dulikela (Dhulikhel), prelijepog mjesta na nadmorskoj visini od oko 1500 metara. Smještaj i slobodno veče.

Prevoz

Vožnja od Pokhare do Dhulikhela

Smeštaj

Guesthouse (1 noć)

Mesto

Dhulikhel

Dan 11: Izlazak sunca i slobodno vrijeme

Budimo se u 6 ujutru i čekamo veličanstveni izlazak sunca i ,ukoliko je vedro nebo, imat ćete prilike da se divite prizorima Mont Everesta, Mansale i Gauri Shankara koji oduzimaju dah. Slobodan dan za šetnju do vidikovca i uživanje.

Smeštaj

Guesthouse (1 noć)

Mesto

Dhulikhel

Dan 12: Fakultativni izlet do Kirtipura

Povratak u Kathmandu, mogućnost fakultativnog izleta do Kirtipura, antičkog grada koji je i dalje centar Nevari kulture. Povratak u Kathmandu, slobodno vrijeme.

Prevoz

Transfer od Dhulikhela do Kathmandua

Smeštaj

Hotel (1 noć)

Mesto

Kathmandu

Fakultativni izleti

Kirtipur

Dan 13: Slobodno vrijeme i uživanje

Slobodan dan. Opuštanje, upijanje energije pozitivnog haosa uz mangoi lasi i momo.

Prevoz

Transfer do aerodroma u Kathmanduu

Smeštaj

Hotel (1 noć)

Mesto

Kathmandu

Dan 14: Napuštanje smještaja i slobodno vrijeme za obilazak do polaska

Napuštanje smještaja u priepodnevrim časovima. Još malo vremena za šoping i opraštanje od Kathmandua. Popodnevni transfer do aerodroma. Let Kathmandu – Beograd sa presjedanjem u Dubaiju (Kathmandu 19:30 – Dubai 22:35, Fly Dubai).

Prevoz

Let Kathmandu - Beograd sa presjedanjem

Mesto

Kathmandu, Dubai



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 15: Povratak i kraj putovanja

Dolazak u Beograd. **Kraj putovanja!**

Prevoz

Avio kartu sa svim taksama na relaciji Dubai - Beograd, u ekonomskoj klasi

Mesto

Dubai, Beograd

Cene i uslovi

Smještaj

Smještaj Nepal

Šta je uključeno

- Kompletna organizacija i usluge predstavnika agencije na destinaciji
- Smještaj u dvokrevetnim sobama na bazi 6 noćenja u hotelu **/** (prema lokalnoj kategorizaciji) u Kathmanduu
- Smještaj u dvokrevetnim sobama na bazi 4 noćenja u hotelu ** (prema lokalnoj kategorizaciji) u Pokhari
- Smještaj u dvokrevetnim sobama na bazi 2 noćenja u guesthouse-u u Dhulikhelu
- Avio kartu sa svim taksama na relaciji Beograd – Kathmandu, u ekonomskoj klasi
- Avio kartu sa svim taksama na relaciji Kathmandu – Beograd, u ekonomskoj klasi
- Svi transferi od aerodroma do smještaja, od smještaja do aerodroma i između gradova prema planu i programu puta

Regularna cena

2.300,00 BAM

First minute cijena

Važi za prijave do **05.08.2020. godine**

1.980,00 BAM

Nije uključeno

- Fakultativne izlete i ulaznice za kulturno historijske spomenike
- Viza za Nepal (30 USD, uzima se na aerodromu u Kathmanduu, uz pasoš i dvije fotografije)

Uslovi plaćanja: Cijene aranžmana objavljene na web stranici izražene su sa uračunatim popustom od 2,5% i vrijede za plaćanje gotovinom u poslovnici ili uplatu na transakcijski račun agencije.

Cijene aranžmana se uvećavaju za 2,5% ukoliko putnik aranžman plaća u poslovnici karticom - jednokratno.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 6 sedmica pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Kathmandu dolina

Cijena: **40,00** EUR

1. **Fakultativni obilazak Katmandua** – Idemo u obilazak **Budanat stupe**, najveće stupe u dolini Katmandua (40 metara) i koja predstavlja najznačajniju budističku stupu na svijetu. Kraj Budanat stupe nalazi se i Tibetanski manastir kao i brojne prodavnice rukotvorina, galerija u kojima se podučava tradicionalno slikarstvo utiskivanjem zlata u boje na platnu – zanata za koji je potrebno godišnje iskustvo. Obilazimo posmrtni hram **Pašupatinat**, jednog od najvažnijih hinduističkih hramova koji predstavlja jedan od najvećih svetišta Šive na indijskom potkontinentu. Sastoji se od niza hramova, ašrama, slika i natpisa koji su tokom vijekova podignuti uz obale svijete rijeke Bagmati koja je pandan Gangu u Indiji. U okviru ovog kompleksa nalaze se i gatovi Katmandua, gdje se obavljaju ceremonije sahranjivanja, ritualnog kupanja i molitvi pokojnika. Obilazimo i **Darbar trg** koji predstavlja srce starog grada u religioznom i duhovnom smislu. Čitav kompleks Darbar trga je pod strogom zaštitom UNESCO-a. Obilazimo i hram žive boginje Kumari Bahal, Staru kraljevsku palatu, Vrtove snova i Kastamandap hram, koji je najstariji u dolini. Prolazimo šarenolikim ulicama gdje se prodaje bukvalno sve – od kašmira i metalnog posuđa, začina, sušene ribe, do polovne planinarske opreme. **Cijena izleta uključuje:** transfer do lokaliteta, ulaznice za Budanat Stupu, Darbar Trg, Pašupatinat, Hram Boginje Kumari, usluge lokalnog vodiča na engleskom jeziku, pratioca grupe na srpskom jeziku.
2. **Fakultativni obilazak Patana (Lalitpura)** – jednog od tri kraljevska grada u Katmandu dolini koji je sam centar budističke i hinduističke kulture zajedno i u njemu se nalazi



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

preko 1200 spomenika. Obilazimo **Svajambunat stupu**, hram iz 5. vijeka koji se nalazi na brdu iznad doline, odakle se pruža neponovljiv pogled na Katmandu. Zovu ga još i Hram Majmuna jer se u samom kompleksu nalazi više od stotinu majmuna. Idemo do Krišna Mandira, kamenog friza sa nevjerovatnim frizom iz 16. vijeka, razgledamo Zlatni hram. U Patanu imate osjećaj kao da je čitav grad muzej na otvorenom sa obiljem palata, statuama bogova i boginja, pagoda sa erotskim prikazima u reljefu. **Cijena izleta uključuje:** transfer do lokaliteta, ulaznice za Svajambunat stupu i Zlatni hram, usluge lokalnog vodiča na engleskom jeziku, pratioca grupe na srpskom jeziku.

3. **Fakultativni izlet za Čangi Narajan Hram** – Hram se nalazi na vrhu brda iznad lokalnog sela, te se od njega pruža izvanredan pogled na Katmandu s jedne strane, a s druge na vrhove Himalaja. Hram je jedan od starijih u Nepal, te se vjeruje da je podignut kao svetište hindu bogu Višnu u 4. vijeku. Obilazimo kraljevski grad **Baktapur**, nekadašnje nepalske prijestonice i jednog od najljepših kraljevskih gradova ove regije. Vidjet ćemo Lavlja vrata, Zlatnu kapiju, Galeriju umjetnosti i Nijatapola hram.

- **Cijena izleta uključuje:** transfer do lokaliteta, ulaznice za Čangi Narajan Hram i Baktapur, usluge lokalnog vodiča na engleskom jeziku, pratioca grupe na srpskom jeziku.
- **NEPOMENA:** Cijena ulaznica od 5600 rupija se doplaćuje na licu mjesta.

Rafting na rijeci Trisuli

Cijena: 45,00 EUR

Izlet se organizuje tokom dana kada je planiran transfer između Kathmandua i Pokhare. Dio grupe koji ne ide na rafting ima priliku za odmor pokraj rijeke i uživanje u prirodnim ljepotama. Dio grupe koji ide na rafting očekuje avantura s čamcima na jednoj od najpoznatijih rijeka u Nepal. Rijeka Trishuli svojim brzacima prati jedan dio puta do Pokhare. Idealna prilika za osvježanje tijekom duge vožnje.

Cijena izleta uključuje: rafting na rijeci Trishuli s ovlaštenim skiperom, opremu

Cijena izleta ne uključuje: obroci i piće, napojnice za lokalne vodiče i vozače, individualni troškovi

Pokhara regija

Cijena: 40,00 EUR

1. **Fakultativni tracking – World Peace Stupa** – Stupa na brdu iznad jezera gdje ćemo uz izlazak sunca gledati romantične pejzaže jezera Feva. Ukoliko je vedro vrijeme oduševit će Vas veličanstveni pogled na vrh Anapurne (Fish Tail) koji se ogleda na površini mirne jezerske vode. Pravimo kratak predah za doručak i nastavljamo put niz šumu do jezera i čamcem se vraćamo do centra grada odakle se lagano vraćamo do hotela. **Cijena izleta uključuje:** transfer do lokaliteta, vožnju čamcem, lokalnog vodiča na engleskom jeziku, pratioca grupe na srpskom jeziku.
2. **Fakultativni ranojutarnji tracking od Nudare do Sarangkota** – idemo na laganu šetnju kroz sela koja leže na tri sata hoda od Pokhare. Idemo na nadmorsku visinu od 1592 metara koji predstavlja najvišu tačku doline Pokhare odakle možete vidjeti cijelu dolinu rijeke i planinski lanac Anapurne. U Sarangkotu ćemo napraviti pauzu za odmor. Imat ćemo vremena da se upoznajemo sa lokalnim stanovništvom, učimo o njihovim običajima, načinu života i klopamo autentičnu hranu. **Cijena izleta uključuje:** transfer do lokaliteta, tracking sa lokalnim vodičem na engleskom jeziku.
3. **Fakultativni izlet za Muzej Gurki, Tibetanski izbeglički kamp, Devine vodopade, viseći most iznad rijeke Seti i Internacionalni Muzej Planinarenja.**

- **Cijena izleta uključuje:** transfer do lokaliteta, ulaznice za Muzej Gurki, Tibetanski izbeglički kamp, Internacionalni Muzej Planinarenja, lokalnog vodiča na engleskom jeziku, pratioca grupe na srpskom jeziku.
- **NAPOMENA:** Cijena ulaznica u iznosu od 650 rupija se doplaćuje na licu mjesta.

Kirtipur

Cijena: 15,00 EUR

Antički grad koji je i dalje centar Nevari kulture. Obilazimo hramove i posljednji u nizu kraljevski grad Kathmandu doline.

Cijena izleta uključuje: transfer do lokaliteta, ulaznice za navedene lokalitete, lokalnog vodiča na engleskom jeziku, pratioca grupe na srpskom jeziku.

Smeštaj

Hotel ***|****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 2*/3* je smještajni objekat koji raspolaže dvokrevetnim sobama. Sve sobe posjeduju T/WC. Usluga je na bazi noćenja. Imena hotela biće potvrđena po formiranju grupe, a najkasnije 2 sedmice pred put.

Guesthouse

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Smještajni objekat tipičan za područje Afrike koji raspolaže manje prostranim dvokrevetnim i trokrevetnim sobama sa sopstvenim kupatilom. Usluga je na bazi noćenja.

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Dubai



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

Dubai je jedan od sedam emirata u federaciji Ujedinjeni Arapski Emira. Ima 2.106.177 stanovnika i poznata je turistička destinacija. Dubai leži na sjeveru Emirata Dubai uzduž istoimenog kanala Perzijskog zaljeva, širokog od 100 do 1300 metara i dugog 14 km, koji ga dijeli na dva dijela.

Kathmandu

Glavni grad republike Nepal. Predstavlja turistički, kulturni i budistički hodočasnički centar. U starom dijelu grada ističe se monumentalna Kraljevska palata. Ima oko 900 hiljada stanovnika i svake godine ga posjete milioni turista.

Pokhara

Grad koji se nalazi oko 200 km zapadno od Katmandua. Nalazi se na tri jezera – Feva, Begnas i Rupa, a poznato je kao mjesto odakle se mogu vidjeti vrhovi Himalaja od preko 8000 m/nv, a nudi i mnogobrojne aktivnosti poput zip line-a, paraglajdinga, trekkinga, a poznato je i kao polazište za trekking do Anapurna baznog kampa.

Dhulikhel

Mjesto u blizini Kathmandua, nalazi se na visini od 1500 metara, a kada je vedro, odavde se može vidjeti Mont Everest (8848 m/nv).

Dubai

Dubai je najveći i najgušće naseljeni grad u Ujedinjenim Arapskim Emiratima (UAE).

Korisne informacije

Nepal

NEPAL

1. OPŠTI PODACI

Glavni grad: Katmandu (oko 2 miliona stanovnika)

Površina: 147.181 km²

Broj stanovnika: 31.5 miliona

Jezik: Nepalski ali možete koristiti i Engleski

Vjeroispovijest: hinduizam preko 80%, budizam oko 9%, islam oko 4%

Lokalno vrijeme: UTC + 5:45h

Valuta: Nepalski Rupij

2. VIZE

Za ulazak na teritoriju Nepal, državljanima BiH je potrebna viza koja se dobija prilikom ulaska u Nepal. Nije potrebno prethodno podnositi dokumentaciju, već samo popuniti formular po dolasku na granicu i ponijeti fotografiju na bijeloj pozadini dimenzija 3,5 x 4,5. Cijena viziranja je 30 USD ili 25 EUR. Na teritoriji Nepala ne postoji ambasada Republike BiH, već je odgovorna ambasada u New Delhiju (Indija). Sa sobom ponesite i kopiju pasoša.

3. LET

Presijedanje na letu je u Dubajiu. Ukoliko želite da izađete sa aerodroma i posjetite Dubaji morate imati vizu, za čije izdavanje zahtjev podnosite prije polaska na putovanje.

Na turu Nepal leti se aviokompanijom Fly Dubai (presijedanje u Dubajiu).

4. VREMENSKA ZONA

Vremenska zona je UTC + 5:45. Nepal ne prelazi na ljetne računanje vremena, tako da je zimi 4:45h ispred BiH, a ljeti 3:45h ispred.

5. VAKCINE I ZDRAVSTVENA SITUACIJA

Za ulazak na teritoriju Nepala vakcinacija nije potrebna. Voda nije za piće, koristi se isključivo flaširana. Od lijekova sa sobom ponijeti lijekove za redovnu terapiju ako je imate, probiotik, lijekove za snižavanje temperature, protiv bolova, odnosno lijekove koje generalno nosite sa sobom na putovanje. Ponesite obavezno i kremu za sunčanje i Autan. Preporuka je da imate zdravstveno osiguranje. U Nepal u vodite računa o pijavicama na trackingu.

6. KLIMA

Nepal ima tipičnu monsunsku klimu. Suhi period je od oktobra do maja, dok je vlažni (monsunski) period od juna do septembra. Intervali između ova dva glavna perioda – od septembra do novembra i od marta do maja – smatraju se najpogodnijim za boravak u Nepal. Prosječna maksimalna dnevna je 16 u januaru - 25 C u julu, noćna i najniža oko 2 u januaru -17 C u junu. Dakle raspon temperature u Katmanduu je između 15-30 C.

Situacija u vezi zemljotresa: Nepal je veoma trusno područje ali je bezbjedno. Šteta od prošlogodišnjeg zemljotresa se sanira, tako da je bezbjedno otići u ovu zemlju.

7. HRANA

Tradicionalna ishrana obuhvata piletinu, govedinu (u vidu roštilja ili gulaša), rižu, povrće i voće. Voće perite flaširanom vodom ili oljuštite. Obavezno probajte jelo Momo, Lasi, piletinu sa medom i bambusom, piletinu sa karijem. Jela mogu biti veoma ljuta tako da ukoliko niste ljubitelj to morate naglasiti prilikom narudžbe. Obavezno probajte čuveno pivo Everest.

8. BEZBJEDNOST



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Nepal je bezbjedna destinacija. Noću nije poželjno kretati se po ulicama, pogotovo ne van grupe. Izbjegavajte prodavce opojnih sredstava, svi opijati su zabranjeni i ilegalni. Vodite računa kad fotografirate, jer ukoliko želite da uslikate nekoga, morate obavezno pitati. Ispred hramova se izuvajte i vodite računa o sljedećem: često ćete morati da skinete sve predmete od kože sa sebe, ne smijete se penjati na hinduističke hramove, nikako ne smijete fotografisati Kumari.

9. ODJEĆA

Od odjeće je potrebna proljetna i ljetna laganija garderoba, ali obavezno ponesite sa sobom nešto dugih rukava i nogavica prije svega zbog aviona ali i moguće je da temperatura opadne, prije svega noću. Dakle obavezno ponesite i duks i nekoliko pari pantalona. Udobna obuća se podrazumijeva zbog obilazaka gradova, trackinga, istraživanja džungle. Dugi rukavi i nogavice preporučuju se i kao zaštita od komaraca.

10. NOVAC

Valuta koja je u opticaju je Nepalski Rupij i vrijedi u odnosu 1 eur = 120 rupija, 1\$ = 107 rupija.

Svejedno je da li ćete ponijeti dolare ili eure. U ponekim mjenjačnicama se možete cjenkati za kurs, ukoliko se radi o većem iznosu. Bankomati postoje ali nisu lako dostupni. Kartice ne možete koristiti uvijek. O pojedinostima posavjetujte se sa Vašom bankom i obavezno prijavite odlazak u inostranstvo, kako Vam kartice ne bi bile blokirane.

Na pijacama, prodavnicama suvenira i kod uličnih prodavaca uvijek se cjenkajte, jer je to običaj. Osim cjenkanja običaj je skoro uvijek i svima ostavljati bakšiš.

11. IZLETI

Na putovanju u Nepal svi fakultativni izleti iznose okvirno oko 150 eura.

12. KOMUNIKACIJA

Naše mreže u većini slučajeva ne rade na teritoriji Nepala. Skoro svi smještaji imaju wi-fi.

13. STRUJA

Što se tiče električne energije, napon je isti kao kod nas i nisu vam potrebi adapteri za utičnice.

14. POSEBNA NAPOMENA

Na putovanju u Nepal postoji cjelodnevna vožnja od Katmandua do Pokare i od Pokare do Nagarkota.

15. SUVENIRI

Ukoliko kupujete predmete vezane za budizam, savjetujemo da ne uzimate glave Bude, jer se to smatra neprikladnim.

Od suvenira preporučujemo: tradicionalnu odjeću i materijale, predmete i skulpture od drveta, tradicionalnu muziku, nakit, predmete vezane za religije hinduizam i budizam, proizvode od pašmine i jakove vune, predmete proizvedene u tibetanskim izbjegličkim kampovima...

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik proveri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnom satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtijevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.